

SCRIPT OF MORNING GOJRI NEWS BULLETIN 15MAR 2025

1015HRS

مارننگ گوجری نیوز بولٹن 15 مارچ 2025

یوہ آکاشوانی جموں بے عبدالرحمان تیں خبر سُنو۔

UN PAK REMARKS

اقوام متحدہ مانہ بھارت غا مستقل نمائندہ پرواتھنیں بریش نے پاکستان غی جانب تیں جموں کشمیر غا حوالہ تیں غیر ضروری زکر ور سخت مزمت کی ہے اقوام متحدہ مانہ خطاب کرتا واں اُنہاں نے کہیو کہ پاکستان غا بار بار چھوٹھا دعوا نہ تے اس غا موقف مانہ درست ثابت کرے تے نہ ہی اس غی سرحد پار دہشت گردی غی حمایت مانہ جائیز قرار دے سکے بریش نے کہیو جموں کشمیر بھارت غو حصو تھو بے تے رہے غو۔ اُنہاں نے مزید کہیو کہ پاکستان مانہ مزہبی اقلیتاں غے خلاف بدھتا وا تشدد ور عالمی برادری مانہ توجو دینی چاہیے۔

LG EDUCATION

لیفٹیننٹ گورنر منوج سنہا نے تعلیمی نظام مانہ ایک فریم ورک مانہ تبدیل کرن ور زور دتو جہیڑو زہنی نشونما تے اخلاقی اقدار مانہ فروغ دے۔ اُنہاں نے یا گل گزشتہ روز نوی دہلی مانہ منعقد روحانی تے اقداری تعلیمی سمٹ تیں خطاب کرتا واں کہی۔ اس موقعہ ور ایل جی موصوف نے جدید مہارتاں غے نال نال اخلاق تے اقدار مانہ تعلیمی نصاب مانہ شامل کرن غی ضرورت ور زور دتو تانجے ایک باشعور معاشرہ تشکیل دتو جاسکے تے طویل مدتی اقتصادی ترقی مانہ فروغ دتو جاسکے ایل جی نے کہی وکہ اقدار ور منبی تعلیمی نظام وکست بھارت غی تعمیر مانہ اہم کردار ادا کرے غو۔

GOC NORTH CMND VISIT

ملک غی سلامتی مانہ مضبوط کرن غا پاک اہم قدم غے تحت شمالی کمانڈ غا جنرل آفیسر کمانڈنگ این چیف لیفٹیننٹ جنرل ایم وی سوچیندرہ کمار نے وائیٹ ہاؤس کاپس غو دورو کیو اس دورہ غو مقصد علاقہ غی حفاظتی صورتحال تے آپریشنل تیاریاں غو جائیزو لینو تھو۔ اس موقع ور جنرل سوچیندرہ کمار نے دہشت گردی غے خلاف جاری آپریشنل غی اہمیت مانہ اُجاگر کیو تے فوجیاں غا حوصلہ تے بہادری غی تعریف کی اُنہاں نے کہیو کہ ملک غی سلامتی مانہ یقینی بنان واسطے مستعدی تے چوکسی ضروری ہے اُنہاں نے سرحدان تے حساس علاقان مانہ دہشت گردی غا خاتمہ واسطے فوج غی خدمات مانہ سپرايو تے اُنہاں مانہ مکمل حمایت غو یقین دوايو۔

PM SURYA GHAR

ڈپٹی کمشنر ڈوڈھ برویندر سنگھ نے بجلی ترقیات محکمہ غ اہم داراں سنگ پانیدار توانائی غا حل مانہ فروغ دین واسطے ایک میٹنگ منعقد کی تانجے پردھان منتری سوریہ گھر مفت بجلی یوجنا غی پیش رفت غو جائیزو لیو جاسکے ڈپٹی کمشنر موصوف نے اس سکیم غا عوامی فوائد ور روشنی کھلی جہیڑی گھریلو صارفین مانہ حکومت غی طرفوں ریایت غے تہت شمسی نصب کرن غی اجزت دے جس سنگ بجلی غا بلاں مانہ کمی آوے اُنہاں نے

کہراں گا مالکان نانہہ ترغیب دتی جے وے اپنا خالی چھتاں ور شمسی پینل نصب کریں جہیڑو نہ صرف اُن غی مالی حالت نانہہ بہتر بناوینگا بلکہ ماحول واسطے وی فائیدہ مند وینگا۔

BUDGET

حال ہی غا جموں کشمیر غا بجٹ غا اعلان نانہہ مثبت رد عمل کیو بے تے بہت سارہ لوکاں نے ان اقوامات نانہہ سراہیو بے جہیڑو کہ عوام نانہہ با اختیار بنان بارے چایا گیا ہیں لوک وزیر اعلیٰ تے اُن غی حکومت غو ستہ دل سنگ شکر یو ادعا کر رہیا ہیں خاص طور ور اُن اقوامات واسطے جن غے تحت سرکاری بساں تے ای بساں مانہہ خواتین واسطے مفت سفر غی سہولت شامل بے یہ اقوام حفاظت نانہہ فروغ دین خود مختاری نانہہ بدھان تے کواتین واسطے تعلیم و روز گار غا مواقع مانہہ بابدو غی طرف ایک ایہم قدم سمجھیو جا رہیو بے۔

SPACE X SUNITA

سپیس ایکس تیناسا نے ایک مشن شروع کیو بے تانبجے امریکی خلا باز سونیتا ولیم تے بُچ ویلمور نانہہ عالمی خلائی سٹیشن یعنی آئی ایس اسی تیں واپس آئیو جاسکے جت وے ۹ مہیناں تیں بھسیا واہ ہیں اس مشن غی شروعات کل رات ایک فالکن ۹ راکٹ غے زریعے ہوئی جس نے کرو ۰۱ مشن غے تحت ایک ڈریگن سپیس کرافٹ نانہہ آئی ایا ایس ایس غی طرف روانہ کیو اس مشن غے دوران ۴ دیگر خلا بزاں انہہ وی پیجیو گیو سنیا ویلیمز تے بُچ ولیمز پچھلے سال جون مہینہ مانہہ آئی ایس ایس پُجیا تھا تے اُنہاں نانہہ تقریباً ایک ہفتہ واسطے اُت رُکنو تھو مگر وے ۹ مہیناں تک اُت ہی رہیا۔

WPL FINAL

خواتین پریمیز لیگ کرکٹ مقابلان مانہہ اج ممبئی انڈینز تے دہلی کیپٹیل غے بشکار فائنل مقابلو برابرورن سٹیڈیم ممبئی مانہہ وے گو یوہ میچ اج شام ساڈھ ۷ بجے شروع وے گو دہلی کیپٹیلز جس غی قیادت میگ لینگ کر رہی ہیں لیگ مرحلہ مانہہ شانداد کارکردگی غ و مظاہرو کرتا واں ۸ میچاں وچوں میچ جیت چُکی بے تے ترے مانہہ شکست کھادی بے اور فائنل مانہہ برائے راست جگہ بنان مانہہ کامیاب رہی بے۔

WORLD CONSUMER DAY

اج عالمی یوم حقوق صارفین بے یوہ دن ہر سال ۵۱ مارچ نانہہ منایو جے تانبجے صارفین غا حقوق تے اُن غا تحفظ غی اہمیت نانہہ اُجاگر کیو جاسکے یوہ دن تمام صارفین غا بنیادی حقوق نانہہ فروغ دین غو وی ایک موقعو بے تے لوکاں نانہہ ان حقوق غا احترام تے تحفظ غی ترغیب دینو بے عالمی یوم حقوق صارفین ۵۲۰۲ غ و موصوع بے پائیدار طرز زندگی غی جانب منصفانہ منتقلی۔
